

Yaem Gyong Mbanjyauz Roq Doengh Hocouh

瑶山风韵

鼓动贺州

——Hocouh Si Banh Yenzswngghdai Fouxgyongraez Yauzcuz Nem Baenzdauq Siujsoq Minzczuz Vwnzva Hozdung

□ bonjbauq gicej Mungz Sugij/蒙树起 Cau Dwzfeih/赵德飞



▲ Beixnuengx Yaujcz laengz-loh coux hek.

◀ Beixnuengx Yauzcuz ram mou bae caeqbaiq Buenzvuengz.

▲ Gyoengq bouxyienj cingq biujyienj 《Swnjcienz Fouxgyongraez Gaeuyiengz》.



▲ Bouxhek caeuq Yauzvanz Vangzsiz Cunh hab'ing louzniemh.



▲ Beixnuengx Yauzcuz yawj-ngonz gofoux biujyienj.



▲ Bouxhek cingq gwn ngaiz daizraez Yauzcuz.



▲ Bouxhek cingq cawx duidwzcanj Mbanjyauz.

12 nyied 2 daengz 4 hauh, yenzswngghdai fouxgyongraez Yauzcuz comzyienj nem baenzdauq siujsoq minzczuz vwnzva hozdung(ciet Buenzvuengz Yauzcuz) youz Hocouh Si Minzvej cawjbanh haenx youq Hocouh Si banh. Hocouh Si fusicangj Yi Fangh, Siveij fumisuhcangj Se Mozsungh, Si Yinzminz Cwngfuj fumisuhcangj Liuz Ningz, Siveij Dungcanbu cangzvu fubucangj Loz Hungz; Si Minzvej cujyin Cinz Wnhsenh; Guengjsae Sam Nyied Sam Cazcise, Guengjsae Minzczuz Bause, Guengjsae, Guengjdoeng, Huznanz, Gveicouh daengj swngj(gih) 20 lai aen si, yienh minzcunghgiz lingjdauj caeuq vunzlai daengj 1000 lai boux caez yawjngonz le comzyienj hozdung.

12 nyied 2 hauh banhaemh, Hocouh Si Lingzfung Gvangjangz vunz lai vunz daih. 《Yauz · Goek》 youz Hocouh Minzczuz Lijyouz Cizey Gisuz Hagdangz biujyienj haenx hainduj le baez comzyienj neix. Riengzlaeng, yenzswngghdai diufoux 《Fouxgyongraez Guh Ranz》 doeng-gvaq diufoux langhbaij le lwglan Yauzcuz ginggvaq geizraez senj dieg ra diegyouq, raemj faex guh ranz, guh hong daengj; yenzswngghdai gofoux 《Fouxgyongraez Aenvenz》 《Fouxgyongraez Yauzdoj》 《Swnjcienz Fouxgyongraez Gaeuyiengz》 fanjyingj le gij yinxdaeuz daegbied Yauzcuz Hocouh; gofoux 《Gyong Doengh Byayauz》 youz guekgya gaep feihvuzciz vwnzva yizcanj mingzloeg 《Fouxgyongraez Yauzcuz》 caeuq fouxsaemeuz Yauzcuz gagmiz haenx dox giethab haeujdaej haenx, mboujdan baujlouz le gij ndei conzdungj fouxgyongraez Yauzcuz, hix engq ndei yawjngonz caeuq miz seizdaihgamj, ndaejdaengz gyoengq bouxyawj haengjgyaez. Doenghgij cezmuuz ndeiawj neix,

cungfaen baijyienj le gij yinxdaeuz vwnzva Yauzcuz Hocouh, ndaejdaengz bouxyawj bekfwngz haenh. Ndagdaenj Yauzcuz hix dwg gij vwnzva dijbauj cojcoeng Yauzcuz ce roengzdaeuj, gij buhvaq saek ronghsagsag haenx baijyienj le beixnuengx Yauzcuz gyaepgouz saedcej ndei.

Fouxgyongraez Yauzcuz lizsij gyaenanz, miz vwnzva naekna, dingz-lai fouxgyongraez fanjyingj le gij guh hong doxdaeuj, saedcej fungsug vunz Mbanjyauz, fanjyingj le gij maqmuengh beixnuengx Yauzcuz, gij miz funggek daegbied gagmiz Yauzcuz. Youq ngoenzcienz conzdungj Yauzcuz, ngoenz angqhoh fungsou, ngoenz haeujranz, ngoenz baenzgya, caeqbaiq Buenzvuengz daengj hozdung beixnuengx Yauzcuz ciengzseiz diufoux fouxgyongraez. Bi 2007, fouxgyongraez Yauzcuz Fuconh Hocouh Guengjsae ndaej Gozvuyen liedhaej guekgya gaep feihvuzciz vwnzva yizcanj mingzloeg. Seizneix, fouxgyongraez Yauzcuz gaenq bienqbaenz hangh guh' angq hozdung vunzlai aen si neix he.

12 nyied 3 daengz 4 hauh, baenzdauq siujsoq minzczuz vwnzva hozdung(ciet Buenzvuengz Yauzcuz) youq Bazbu Gih Budouz Cin Vangzsiz Cunh banh, yinx ndaej haujlai bouxhek caeuq vunzmbanj mbanj henzgyawj daej yawjngonz. Youq hozdung yienhciengz, gyoengq beixnuengx Yauzcuz ndang daenj buhvaq minzczuz caeuq gyoengq bouxhek ciengq go diufoux. Caeqbaiq Buenzvuengz, Buenzvuengz cunzyouz, yenzswngghdai gofoux ndawbiengz baijyienj, gwn ngaiz daizraez Yauzcuz daengj siujsoq minzczuz vwnzva hozdung hawj gyoengq bouxhek daejniemh daengz le gij yinxdaeuz vwnzva Yauzcuz, gvaq mbat yinx daejniemh Yauzcuz

vwnzva he.

Hocouh Si dwg aen dieg lai minzczuz comzyouq he, ndawde miz Gun, Cuengh, Yauz Myauz daengj 19 aen minzczuz, gungh 235 fanh gyaevjvunz. Ndwade, siujsoq minzczuz miz 34 fanh gyaevjvunz, ciemq daengx si gyaevjvunz 15 %. Gaenh geij bi neix daej, aen si neix gak gaep dangvej cwngfuj gig yawjnaek dieg siujsoq minzczuz comzyouq ginghci gwnzbiengz hwngfat, haenq-rengz hwngfat vwnzva minzczuz, daengx si minzczuz doxgiet, vwnzva hwngfat ndei. Youq yamqdin lizsij hwngat, aen si neix gak aen siujsoq minzczuz mboujdan caux ok le gij vuzciz cwngzgoj gig lai, hix dajcauh caeuq hwngfat le gij vwnzva ronghsag gag miz daegsaek haenx. Siveij, si yinzminz cwngfuj soqlaiz gig yawjnaek siujsoq minzczuz ginghci gwnzbiengz hwngfat caeuq baujhoh caeuq swnjcienz siujsoq minzczuz daegsaek vwnzva. “Cibngeih haj” doxdaeuj, daengx si gungh bued roengz ngaenzcienz 9 ik lai maenz bang dieg siujsoq minzczuz comzyouq hwnjguh giekdaj sezsih, caenh-itbough gajndeij gij diuzgienh guh hong saedcej vunzlai gak cuz; yenzgiu ceiqrindh le baenzdauq cwngcwz swnjcienz baujhoh vwnzva maenhndei siujsoq minzczuz, cietsaed gyagiengz hong vatcimh caeuq baujhoh feihvuzciz vwnzva yizcanj siujsoq minzczuz, gaenxmaenx caux-laeb gizdieg swnjcienz vwnzva siujsoq minzczuz, vih baujhoh caeuq hwngfat vwnzva siujsoq minzczuz caux ok le diuzgienh ndei. Baez hozdung neix, doiq vatcimh gij swhyenz vwnzva siujsoq minzczuz, doidoengh baujhoh caeuq hwngfat siujsoq minzczuz vwnzva, coicaenh vwnzva siujsoq minzczuz hoenghvuengh, gwnzbiengz cinbu miz cozyung hungloet.